

契誰肯傾心重不才

和商守雪霽登樓

百尺危樓小雪晴晚來閉望逼人清山橫暮靄高還下水隔疎林淡復明天際落霞千萬縷風餘殘角兩三聲此時此景真堪畫只恐丹青筆未精

追和王常侍登郡樓望山

四賢當日此盤桓千百年人尙厚顏天下有名難避世胸中無物漫居山事觀今古興亡後道在君臣進退間若蘊奇才必奇用不然須負一生閑

賀人致政

道藏輯要

擊壤集

三 四星集七

人情大率喜爲官達士何嘗有所牽解印本非嫌祿簿掛冠殊不爲高年因通物性興衰理遂悟天心用捨權宜放襟懷在清景吾鄉况有好林泉

晨起

山高水復深無計奈如今地盡一時事天開萬古心輕煙籠曉閣微雨散青林此景雖平淡人間何處尋

龍門道中作

物理人情自可明何嘗戚戚向平生卷舒在我有成算用捨隨時無定名滿目雲山俱是樂一毫榮辱不須驚侯門見說深如海三十年來掉臂行